



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**25 November 2021**  
**20 Rabiulakhir 1443H**

<b>SENARAI AKHBAR</b>	<b>TAJUK</b>
<b>Utusan Malaysia</b>	<ul style="list-style-type: none"><li>• Pewartaan Taman Laut jejaskan 400 nelayan Melaka</li></ul>
<b>Berita Harian</b>	<ul style="list-style-type: none"><li>•</li></ul>
<b>Harian Metro</b>	<ul style="list-style-type: none"><li>• Resah 100 penternak ikan</li></ul>
<b>Kosmo !</b>	<ul style="list-style-type: none"><li>•</li></ul>
<b>Sinar Harian</b>	<ul style="list-style-type: none"><li>•</li></ul>
<b>The Star</b>	<ul style="list-style-type: none"><li>•</li></ul>
<b>New Straits Time</b>	<ul style="list-style-type: none"><li>•</li></ul>
<b>Nanyang Siang Pau</b>	<ul style="list-style-type: none"><li>•</li></ul>
<b>Malaysia Gazette</b>	<ul style="list-style-type: none"><li>•</li></ul>
<b>Harakah</b>	<ul style="list-style-type: none"><li>•</li></ul>
<b>Malaysiakini</b>	<ul style="list-style-type: none"><li>•</li></ul>
<b>Bernama</b>	<ul style="list-style-type: none"><li>•</li></ul>
<b>Borneo Post (Kuching)</b>	<ul style="list-style-type: none"><li>•</li></ul>
<b>Guan Ming Daily</b>	<ul style="list-style-type: none"><li>•</li></ul>
<b>Sabah Media</b>	<ul style="list-style-type: none"><li>•</li></ul>

JENIS AKHBAR							MUKA SURAT	TARIKH
UTUSAN MALAYSIA	✓	KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		29	25/11/2021

um m/s 29 25/11/2021

## Pewartaan Taman Laut jejaskan 400 nelayan Melaka

**MELAKA:** Kira-kira 400 nelayan Melaka Selatan merayu kerajaan negeri Barisan Nasional (BN) yang baharu dibentuk agar mempertimbangkan cadangan untuk tidakewartakan Pulau Undan, Pulau Dodol dan Pulau Nangka sebagai Taman Laut Negara.

Ketika ditemui *Utusan Malaysia*, Ketua Komuniti Nelayan Tanjung Kling, Aziz Japar berkata, jika pulau berkenaan diwartakan, ia secara tidak langsung bakal menjejaskan sumber rezeki nelayan sepanjang Melaka Selatan untuk menangkap ikan.

Menurutnya, lapan pangkalan nelayan yang dijangka terjejas adalah Tanjung Kling, Pantai Kundor, Pantai

Puteri, Balik Bukit, Sungai Lereh, Kelebang, Kampung Portugis dan Kota Laksamana.

“Saya mewakili seluruh pangkalan nelayan dari Melaka Selatan memohon Ketua Menteri yang baharu dilantik, Datuk Seri Sulaiman Md. Ali untuk mempertimbangkan suara kami meminta jasa baik agar tiga pulau tersebut tidak diwartakan sebagai Taman Laut Negara.

“Sejak penambakan laut dari Kampung Portugis hingga Kelebang, tangkapan nelayan semakin berkurangan. Keadaan menjadi lebih teruk apabila kapal-kapal berlabuh pula di laluan nelayan pukut hanyut menangkap ikan masih belum diselesaikan,” ujarnya.

**PULAU Undan, Melaka bakal diwartakan Taman Laut Negara adalah kawasan sumber rezeki nelayan menangkap ikan. - UTUSAN/AMRAN MULUP**



JENIS AKHBAR						MUKA SURAT	TARIKH		
UTUSAN MALAYSIA		KOSMO I		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO	✓	NEW STRAITS TIMES		THE MALAY MAIL	PELBAGAI Sabah Media				
KATEGORI LIPUTAN: POSITIF			NEGATIF		NEUTRAL		25 25/11/2021		

Oleh Siti Rohana Idris  
am@hmetro.com.my

Tumpat

# Resah 100 penternak ikan

AM M/S 25 25/11/2021

Bakal berdepan kerugian ratusan ribu ringgit menjelang musim tengkujuh

Ketibaan musim tengkujuh sentiasa meresahkan penternak ikan dalam sangkar di sekitar Laguna Sri Tujoh di sini kerana bakal berdepan dengan kerugian besar disebabkan banyak ikan mati.

La berikutan air hujan yang dilepaskan dari pintu air di Jubakar Pantai akan mengair ke sangkar ikan yang menyebabkan ternakan itu mati kerana keracunan serta kekurangan oksigen.

Bagi Abdul Rahman Hamid, 52, situasi itu dialami setiap tahun menyebabkan dia dan hampir 100 penternak ikan dalam sangkar sekitar berdepan dengan kerugian mencecah ratusan ribu ringgit.

"Memang keadaan ini tidak boleh dielakkan dan dihadapi kami saban tahun menjelang musim tengkujuh cuma atas nasib sama ada mengalami rugi banyak atau sedikit.

"Jika ikan yang sudah mencapai lapan atau 10 bulan usianya, ia sudah mampu dijual, tapi yang kurang daripada usia itu kami hanya berputih mata melihat ia mati akibat kekurangan oksigen dan keracunan.

"Tempoh musim tengkujuh yang lazimnya mengambil masa antara empat hingga lima bulan tidak sempat menjadikan ikan yang diternak membesar mengikut jadual yang sepatutnya ia boleh dijual," katanya ketika ditemui di sini, semalam.

Abdul Rahman berkata, hujan lebat berterusan yang melanda dua minggu lalu menyebabkan beberapa penternak ikan dalam sangkar

segera menjual ikan ternakan daripada sangkar masing-masing dan dijual pada harga murah di tepi jalan bagi mengelakkan kerugian.

Jika pasaran semasa, untuk ikan tilapia, ia akan dijual pada harga RM15 sekilogram, RM18 untuk siakap manakala kerapu pula RM35, namun setiap kali berdepan situasi itu, ikan akan dijual sehingga se-



ABDUL Rahman memantau ikan dalam sangkar setiap hari bagi persediaan mengurangkan kerugian ditanggung.

rendah RM10 sekilogram. Dia yang memiliki 20 sangkar dan sudah menternak sejak 30 tahun lalu berkata, sebagai langkah awal, semua penternak sudah membekalkan oksigen untuk sangkar ikan masing-masing dan persediaan itu sedikit seba-

nyak mampu mengurangkan kerugian lebih besar ditanggung.

"Saya sendiri menyediakan dua enjin bekalan oksigen dan sudah menyalurkannya sedikit demi sedikit sebagai persediaan ketibaan hujan lebat yang bila-bila masa akan melanda.



DERETAN sangkar ikan yang menjadi punca pendapatan hampir 100 penternak ikan di Laguna Sri Tujoh. Ketibaan musim tengkujuh sentiasa meresahkan penternak dan dalam sangkar kerana bakal berdepan kerugian besar disebabkan banyak ikan mati kerana keracunan serta kekurangan oksigen berikutan air hujan yang dilepaskan dari pintu air di Jubakar Pantai mengalir ke sangkar ikan. - Gambar NSTP/NIK ABDULLAH NIK OMAR